



REPUBLIKA E SHQIPËRISË  
MINISTRIA E ARSIMIT DHE SPORTIT  
AGJENCIA KOMBËTARE E ARSIMIT PARAUNIVERSITAR  
DREJTORIA RAJONALE E ARSIMIT PARAUNIVERSITAR DURRËS

Nr. 1356/Prot.  
5

Durrës më 21.07 2024

**Lënda:** Njoftim mbi aplikimin për lëvizje paralele me dëshirë, për punonjësit mësimor të punësuar me kontratë me afat të pacaktuar.

Bazuar në Ligjin Nr.69/2012, datë 21.06.2012 “Për sistemin arsimor parauniversitar në Republikën e Shqipërisë”, i ndryshuar, Udhëzimin nr. 08, datë 03.05.2024, “Për procedurat e pranimit, të pezullimit dhe të largimit të mësuesit nga një vend pune, si dhe administrimit të portalit “Mësues për Shqipërinë”, i ndryshuar me udhëzimin nr. 10, datë 25.05.2024, shkresën e AKAP nr. 1921/5 prot., datë 28.06.2024 “Mbi procedurën e lëvizjes paralele sipas udhëzimit nr. 08, datë 03.05.2024, “Për procedurat e pranimit , të pezullimit dhe të largimit të mësuesit nga një vend pune, si dhe administrimit të portalit “Mësues për Shqipërinë”, i ndryshuar, njoftojmë fillimin e procedurave të aplikimit për lëvizje paralele sipas afateve të mëposhtme:

**Aplikimi i kandidatëve :**

- Mësuesi i punësuar me kontratë pune me afat të pacaktuar, që dëshiron të kryejë lëvizje paralele para fillimit të vitit mësimor 2024-2025 brenda ZVAP-së ku është i punësuar, aplikon nga data **01 Korrik 2024- 15 Korrik 2024**.
- Dokumentacioni i aplikantit për lëvizje paralele do të dërgohet në rrugë elektronike, me email në adresën e DRAP-it ku ka varësinë ZVAP-i në të cilin është i punësuar,
- Adresa e emailit ku do të dërgoni dokumentat e aplikimit sipas shtojcës 2 të këtij udhëzimi është si vijon:

**DRAP Durrës:** [Levizjeparalele2024.drapdurrës@arsimi.gov.al](mailto:Levizjeparalele2024.drapdurrës@arsimi.gov.al)

**Dokumentacioni i aplikimit :**

1. Mësuesit që dëshirojnë të kryejnë lëvizje paralele, dërgojnë në adresën e emailit dokumentacionin e përcaktuar në shtojcën 2 të udhëzimit.

- a) Formulari i aplikimit **(i detyrueshëm për t'u ngarkuar)**
- b) kartën e identitetit **(e detyrueshëm për t'u ngarkuar).**
- c) Kopje e diplomës/ave, vërtetimit/listës së notave të studimeve të larta (cikli i parë dhe cikli i dytë) ose të barasvlershme me këto sipas përcaktimeve të kuadrit ligjor në fuqi **(i detyrueshëm për t'u ngarkuar).**
- d) Kopje e licencës së provimit të shtetit për profesionin e rregulluar të mësuesit, për të gjithë kandidatët që kanë detyrim ligjor ta kryejnë këtë provim sipas përcaktimeve të legjislacionit në fuqi **(i detyrueshëm për t'u ngarkuar).**
- e) Formular të vetëdeklarimit të gjendjes gjyqësore, sipas modelit të shtojcës 3, të këtij udhëzimi; **(i detyrueshëm për t'u ngarkuar).**
- f) Deklaratë nga kandidati për autorizimin e institucionit arsimor që të shqyrtojë vërtetësinë e dokumenteve të paraqitura sipas modelit të shtojcës 4, të këtij udhëzimi; **(i detyrueshëm për t'u ngarkuar).**
- g) Kopje e librezës së punës **(e detyrueshëm për t'u ngarkuar).**
- h) Kopje e dëshmimeve të kualifikimit për kategoritë: “Mësues i kualifikuar”, “Mësues specialist”, “Mësues mjeshër” **(nëse ka dhe dëshiron të vlerësohet me pikë).**
- i) Kopje e certifikatave me kredite të trajnimeve të kryera brenda dhe jashtë vendit. Certifikatat me kredite të trajnimeve të kryera brenda vendit të jenë ofruar nga MAS, institucionet e varësisë ose nga agjencitë e akredituara. **(nëse ka dhe dëshiron të vlerësohet me pikë.)**
- j) Kopje e dëshmisë së njohjes së gjuhës/ve të huaja **(nëse ka dhe dëshiron të vlerësohet).**
- k) Vlerësimi i përfaqësuesve të prindërve (sipas shtojcës 5).
- l) Vlerësimi nga punonjësi/it e shërbimit psiko-social, sipas pikës 7 të shtojcës 2
- m) Vlerësimi i drejtorit të institucionit arsimor, sipas pikës 8 të shtojcës 2

2. Kandidati, dosja e të cilit nuk përmban një nga dokumentet e detyrueshme nuk kualifikohet.

**Afatet e njoftimit të kandidatëve:**

- 1. KVD-ja e DRAP-së, brenda datës 22 korrik, vlerëson dosjet e kandidatëve që kanë aplikuar për lëvizje paralele me dëshirë. Rezultatet e vlerësimit paraprak publikohen në faqen e DRAP-së dhe të ZVAP-së, si dhe i dërgohen me email çdo aplikanti.
- 2. Kandidati që ka aplikuar për lëvizje paralele brenda të njëjtës ZVAP, ka të drejtë të paraqesë ankesë në DRAP për rezultatin paraprak, brenda 3 (tri) ditëve nga marrja e njoftimit të rezultatit., nga data 23.07.2024-25.07.2024

3. KVD-ja e DRAP-së, brenda 3 (tri) ditëve pune, shqyrton ankesat dhe i njofton me *email* çdo kandidati rezultatin përfundimtar të vlerësimit të dosjes për lëvizje paralele nga data 26.07.2024-30.07.2024
4. KVD-ja e DRAP-së rendit për çdo ZVAP sipas profileve, mësuesit që kanë ngelur pa ngarkesë mësimore dhe mësuesit që kanë bërë kërkesë për lëvizje paralele në të njëjtën ZVAP. Këto lista i publikon në faqen zyrtare të DRAP-së, si dhe i dërgon për publikim në ZVAP-në përkatëse brenda datës 31.07.2024.
5. Vendet e lira të punës që janë krijuar brenda një ZVAP-je u ofrohen për punësim mësuesve të cilët kanë ngelur pa ngarkesë mësimore (lëvizje paralele e detyruar) brenda datës 02 shtator 2024.
6. Vendet e lira të punës të mbetura pas lëvizjes paralele me detyrim, brenda një ZVAP-je u ofrohen për punësim mësuesve të cilët kanë aplikuar për lëvizje paralele me dëshirë, sipas profileve dhe renditjes, brenda datës 04 shtator 2024.
7. Në rast se në ZVAP-të e tjera të DRAP-së rezulton se pas njoftimit për punësim, ka vende të lira pune, atëherë këto vende u ofrohen kandidatëve të papunësuar të të gjitha ZVAP-ve në juridiksion, të cilët kanë ngelur pa ngarkesë mësimore, sipas profileve, duke filluar me kandidatin me më shumë pikë, brenda datës 04 shtator 2024.

*Faleminderit për bashkëpunimin.*

**DREJTOR**

**Hazbi LIKA**

